

欽定廓爾喀紀畧

卷二十九

三十九

欽定廓爾喀紀略

卷一

欽定廓爾喀紀畧卷二十九

閏四月十六日

甲申

福康安海蘭察惠齡奏言

臣

等節奉

諭旨以前諭哲孟雄宗木等部落進攻賊境所辦畧
早又以鄂輝等派防邊界官兵零星散布爲數
太多

諭令於聶拉木濟隴兩處駐兵防守其餘路徑俱不

必分兵堵禦仰見我

皇上睿慮周詳洞中機要伏思廓爾喀賊匪久恃強橫侵佔隣封地界寬廣東面一帶自記拉里雜布等處以至宗木西界久被佔據乾隆五十四五年間復侵佔哲孟雄地方距前藏邊界較近經達賴喇嘛派委鼐璽定喀幹等二人前往帕克哩作爲營官駐守防禦該營官聞大兵進剿

之信因哲孟雄宗木人心不附賊匪卽率同該

兩處頭目與賊打仗攻取地方及

臣

福康安到

前藏時以該營官同哲孟雄宗木頭目打仗殺

賊奮勇可嘉發檄獎諭優加賞資旋復據該營

官稟報協力勦殺已將宗木哲孟雄被佔地方

大半收復

臣

福康安以該部落與賊接壤旣能

勇往殺賊卽諭令乘勢相機直入賊境原因賊

境西北有作木朗部落發兵攻賊而賊境東北
又有宗木哲孟雄部落與之爲難使賊匪東西
抵禦疲於奔命賊勢旣分大兵乘勢進勦直搗
巢穴卽賊匪併力抗拒亦無暇抄截我兵後路
雖各部落番民素被賊匪欺凌不過乘大兵聲
勢藉以報讐亦未必能爲我先驅恃以集事然
以之牽綴賊兵堵拏逸匪或可稍資其力

臣等

祇就一時形勢籌辦並未通盤籌畫今蒙

聖明指示曠若發蒙查宗木哲孟雄兩處俱係自爲
部落服屬達賴喇嘛並非藏內地方遇有更換
頭目亦係自行承襲不由達賴喇嘛補放該二
處在前藏之帕克哩邊外由帕克哩徑至前藏
與後藏之聶拉木濟隴等處東西相距甚遠上
年賊匪滋擾後藏並未從帕克哩進口現在宗

木哲孟雄頭目等於收復地方後各守邊界與賊相持未能卽時進剿帕克哩營官等亦因賊境天氣炎歊不能受熱仍回至帕克哩駐守俟大兵至賊境之時臣等再檄諭該營官頭目等約期進剿並傳

旨獎賞俾伊等爭先効順感激奮興於剿捕機宜更爲有益至聶拉木濟隴絨轄等處邊界探得均

各添有賊匪拒守分據要隘賊匪自我兵收復
聶拉木之後心懷畏懼恐滅亡在即每於通往
賊巢路徑竭力抗拒處處隄防我兵分路進攻
固可互相策應但從前所調換防兵丁及頭二
三起屯土兵及索倫達呼爾兵合計不及萬人
續調川兵及沃什黨壩屯兵到藏須在五月底
祇可俟進至賊境後留爲後路接應不能待其

到齊始行大舉臣等再四熟籌惟有進兵之時

先於聶拉木等處酌派熟諳領隊大臣及

乾清門侍衛巴圖魯侍衛章京等帶兵前往作爲

偏師以分賊勢而臣等會合大兵由濟隴直入

我兵一面奮勇進攻痛加殲戮一面卽繞山陟

險迅搗賊巢濟隴屯聚之賊腹背受敵顧此失

彼無難一鼓殲擒聶拉木等處賊匪聞知濟隴

屯聚之賊已經蕩掃無遺大兵直趨陽布自必
膽落心驚不敢自蹈窮蹙道路旣通之後則派
往聶拉木等處偏師亦可乘勢直前與大軍會
於陽布再廓爾喀尙有舊居巢穴在陽布之西
相距六日路程進攻陽布時先應截其歸路我
兵進至陽布卽於帕克巴辛昆一帶扼據設有
賊酋等竄逸斷不能繞出官軍之後遁回舊巢

所有後路要隘及總匯地方祇須於濟隴聶拉
木定結第里浪古等處派委妥員酌留勁兵攬
入唐古忒番兵協同防守已可杜其抄截之路
若其餘通賊處所隨處留防零星分布誠如

聖諭豈有一兵禦一賊一將堵一隘之理臣等恭稟

睿謨相機調度當思以少擊衆衆入賊巢斷不敢以

有用之兵置之無用之地前經臣等奏明將邊

界防禦各兵量爲撤出養其銳氣作爲征兵目
下索倫達呼爾兵丁到後藏已及大半其末起
兵丁約計月內到齊袁國璜所帶三起德爾格
等處屯兵三千名約計閏四月中旬亦可全到
一俟各兵齊集臣等卽行帶領進剿迅速奏捷
仰慰

聖懷奏入

上命軍機大臣傳諭福康安海蘭察惠齡鄂輝和琳
曰福康安等前次檄諭未免失之太早節經降旨
甚明現在所調換防及屯土並索倫達呼爾兵已
及萬人其德爾格等處屯兵此時亦已到齊福康
安等自必統領前進將濟隴屯聚賊匪一鼓殲擒
卽乘兵威壯盛直搗陽布賊巢其時附近各部落
等自必當聞風響應爭先効順屆時再行檄諭約

期進勦加以獎勵賞賚自可成破竹之勢又據奏
聶拉木濟隴絨轄等處賊匪添人拒守分據要隘
福康安等進兵時擬先於聶拉木等處酌派巴圖
魯侍衛等帶兵前往作爲偏師福康安等會合大
兵由濟隴直入攻勦等語所辦俱好賊匪等雖據
守要隘抵死抗拒諒非勦敵福康安等帶領生力
勁兵鼓勇先登無難立時攻破而聶拉木一帶又

有巴圖魯侍衛等分路進攻使賊匪腹背受敵自
必望風膽落不攻自潰再據奏廓爾喀尙有舊居
巢穴在陽布之西大兵進攻陽布時先行截其歸
路要隘止須於濟隴聶拉木定結第哩浪古等處
派員留兵與番兵協同防守已可杜其抄截之路
等語所辦已得其要惟思大兵進剿陽布時聲威
壯盛賊匪自必併力死守冀圖延喘該處係屬賊

巢且有城垣礮寨若賊匪悉力固守自較聶拉木
爲甚我兵徒恃圍困轉致稽延時日自不若於攻
圍時將其城門故留一面示之以隙使其乘間逃
逸我兵先於隱僻處所潛設埋伏趁賊匪逃竄之
時出其不意乘機掩擊實爲事半功倍朕又思賊
匪在濟隴一帶屯聚近添人拒守其所資口食自
須由賊巢運送卽將來圍困陽布其糧石自必由